



www.BibleForChildren.org




Yoni 14



Pigoya, Isu to kamana maya untiye: Tigeba tigu'amaba tabaraba puma pamiba a-piyo. Tigeba Koti aega'ma timatiti puntiri, naepa pabiyama naega'ma timatiti piyo, untiye. Nabanempa kumatiba namapa uwoma wairite wantiye. Pi kapa kampa waintemisinta kampa urimosine.




Piya, naeba maruntaki'ena puritakena wakuwe, untiye.
Piya, wama maruntaki'enari puritate, to kake a'wae
puma kanama tibabute wakiri, nae mikuboti kaga
umikibewe, untiye.



Nae Yoni tiyo'yagaranawe. Naeba tigege
Isuti atokaema mimagi tauki nakiyenarepa
aesaga'magi, Koti kabiratakenaenabi


ubai'ma, tigege kaga
paebume mima

monoka
asima
esegima
miyuwe.




Piya, naeba Koti aboranti kamanape Isu
nkawaga kamanape aborasanaga akuntatama
nagarubakasugu, wani nkakapisa


Patimosi mara
mintantuwe.




Piya unamoga, agora uma Awamusa' amati atokaema
mima agauwapa, mantabinti Wa' egawama nkaemu
yabaeba waintiti ka'waina mara' mintoga agantuwe.




Piya yuguna abuwapa, a'ya'ma Koti pumaranti
ntanamaba, mantabintisa kinape, mabisa kinape,
mawama nkantabaipintisa kinape,
kayo wanipintisa kinape, igeba
kaga mayama yugu abintone:




Wa'egawama nkaemu yabaera minti'nape, sipisipi
awaropeba, isigetiba a'muntanabe, isi'ikenaenabe,
isige asagayukenaenabe,
esegiyenabe, a'ya'ma yagaba
waiyaba miyeno, untawe.




Piya, aota kuma, kasa Yerusaremi kumapa Kotitisa
mantabintisa tumoga agantuwe. Piya, pi kuma'amaba
waya'ma iba'ena puma wara atakena awa'ena pusu
puma tumogana, tabe awamu aga aemu yabaerasa
mayama tumoga abintuwe: Abo. Ibaba Koti miyemi
kumapa
wasana igeti
waintiye. Piya,
aeba igege
miyekini, igeba ae
aokina mikibewe.
Eya, Koti aewapa
igeti mikiye.



Piyama agauwagana, enisorewamaba anompa
nayakintiye. Pi nkwanipa e' wasaena maekena wani,
karasiwama ta' nera' ne pusu pi wani, pipa Kotige
sipisipi awarowampage isiyemu yabaerasa aborami
nkwanine.



Piya, pi kumapintiba pankamabe o'amabe e'wasaba
kampa pukiye. Kampaye. Koti ae e'wasa pekana,
sipisipi awaromaba aebe kane'wane.



Piya, i'nintanabe,
wasanama tonarona
kamparagaena
pukibi'nabe, kumpari
ukibi'nabe, pipinti
kampa ubasikiye.
Kampaye. Piya, sipisipi
awaroma nke'wasa
maekena isapi igewai
kaetanti kina'mi
ibiwaipa ubasikibewe,
piya untiye.



Igeti mimagina, aebe iyo'nuba
aebago puwaegasakini, to
kakema wasanamiba kampa
purikibewe. To kakema
kuntaenabe kube'enabe iki
nakiyenabe kampa aborakiye.
Kampaye. Pi paisaenaba ago
nagari waye, piya yoga
abintuwe.




Piya, pi kumatiba kaikenaenaba to kapa kampa
aborakiye. Piya, pi kumapintiba Kotige sipisipi
awarowampage isiyemu yabaewama waiyekini,
kayokaya kina'wampiba agisuma mikibewe.


Piya, igeba aogawapa
agama miyigina,
i'nera ae ageba
aborama waikiye.



Piya to agauwapa, purinta ige wainta kinape tuminta kinape, a'ya'ma kina'miba aemu yabaewama nkaori asima mintugu, agauwagana esaka esaka apira puma aisuntiye. Piyamagina to ka isakeba apira puntipa, pipa miyaba kina'mi nkisane. Piya, mara'minti'naba aebe esaka esaka aisuma kaemaranta'enaba agamagina, purinta kinapa a'yigi nkitantiye. Eya, a'ya'maena pume kanara a'yigi nkitantiye. Piya, aebe ka'waina nkage miyaba isapi kampa agantanaba, aesagayuma pi ntaku tami kotupinti kaga maebugasoga agantuwe.



Pigoya, Awamusa'amage sipisipi awaroma
nkwae'mage: Kanao, untase. Wasana ma kamana
abi'naba: Kanao, yeno. Piya, wanika abemi'naba aebe
kanano. Eya, e'wasaena maekena wanika abemi'naba
aebe kanama e'wasa wanipa uwa ampaema nano.



Pigoya, Koti aeba a'ya'ma kina'mikaba
tabera abugaogana, yagarawapa
ka'antowa mintogana, aepa taeti
otantiye. Aepa aega'ma imatiti
pikibe'nagiba ataenabipa kampa
tumpintini, e'wasa maema
miyaba mikibewe.



Aroma 3:23 taeba a'ya'ma kina aguntaena puntompeka,
Koti nke'wasaenarapa kampa kanarasamaba
kampa miyune.

Aroma 6:23 Piya, aguntaenama nkikantanaba
purikenaenawe. Pigoya, Wa'egare Isu Karaisititi
atokaeyompeka Kotiba miyaba'ena uwa tamiye.

Iburu 9:27 Piya, a'ya'ma kina'mitaba ka'anto
purukubompeka uratantikana, aintiba
kamanatepa aborakiye.

Epesasi 2:8,9 Abewo. Koti awagaena puritama,
timatiti'enarika ti'ie. Tigerinane. Pipa Koti ae'wa
ntapiyenarasa timiye. Piya, tiyapisaenaba kampaye.
A'yugu ka yagarama au maete isanaga,
pipa Koti uwa tamiye.



Aroma 10:9,10 Piya, wasanami nkiyobi: Isu aeba
Wa'eganene, kawamupisa umagina, Koti aepa purintapisa
asitama kamintika kagupinti aogima abegana, kaepa
kau'iyeno. Piya, kagutasa Isu nkaega'ma kamatiti
puntana, Koti nkaobi arupu kina mikibene. Kawamutasa
wasanami nkiyobi ae age asagayuyegana kau'ikiye.

Yoni 3:16,17 Pigoya, Koti aeba a'ya'ma kina'mikaba
tabera abugaogana, yagarawapa ka'antowa mintogana,
aepa taeti otantiye. Aepa aega'ma imatiti pikibe'nagiba
ataenabipa kampa tumpintini, e'wasa maema miyaba
mikibewe. Piya, Kotiba yagarawapa mabisa kinapa kamana
uma uratanemaba kampaye. Wasana i'ima iba piyoma
otaogana tumintiye.



1 Yoni 5:11-13 Pigoya, taga awaga kamanapa mayamawe:
Kotiba e'wasaenaba tamika miyaba mikune. Pi
nke'wasaenamaba yagarawampapisa aboraye.
Piya, Koti ntagarari uma kabo pemi'naba, aeba pi
nke'wasaena wantagane. We, Koti ntagarari kampa kabo
pemi'naba, aetiba pi nke'wasaenaba kampa waiye.
We, Koti ntagaramati timatiti pe kina'mitaba, ma
kamanapa tigeti kaeyuwe. Piya, tige ba pi waiyaba
e'wasaenaba ago maeyawema napiyiyoma, kaeyuwe.



Yoni 14; 2 Korinti 5; Areberesoni 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Fore Bible (for) © 2013, Wycliffe Bible Translators,
Inc. All rights reserved.

<https://live.bible.is/bible/FORBSV/MAT/1>

©2026 Bible for Children, Inc.

www.M1914.org

www.bibleforchildren.org

